

Wie dess dissjohr mett Ostern iss

Vor e paar Daach hadd misch die Fraa gefroochd: Honnes, wie issen dess? Isch habbs grad gelese: Omm zwonnsischsde März iss Friehtingsoofong, omm oonunzwonnsischde März iss Vollmond unn trotzdem iss Ostern dissjohr erst omm neunzehnde April. Mir hawwe schunn in de Schul gelernt, dass Ostern immer nooch emm ersde Friehtingsvollmond iss, dess wär also dissjohr omm vierunzwonnsischde März gewese. Warum issen dess dissjohr onnersders?

Lieb Fraa, gebb isch ze Antwort, isch waaß vill, awwer nitt alles. Waaßde was? Isch ruf jetz moin ahle Kumber Hubert oo, der kann uns dess gons gewiss erklärn.

Unn schunn habb isch merrs Telefon geschnabbd unn habb dem Hubert soi Nummer gewählt unn tatsächlisch war der gleich droo: Hier ist dein Freund Hubert, lieber Hannes. Hallo und guten Tag.

Isch saach: Ei gude wie. Du, Hubert, du host moi Telefonnummer uff doim Display geseh, gelle? Ja, isch bins, de Honnes.

Seet de Hubert: Grüß dich, mein Freund.

Isch druff: Hubert, die Fraa unn isch, mir hawwe emol e Frooch unn wie mir disch kenne dun, konnsd du uns Antwort gewwe.

De Hubert frächt: Was wollt ihr denn wissen?

Doodruffhie habb isch dem Hubert dess gesaad, was misch die Fraa gefroochd hott unn saach noch: Hubert, du werrsd dess doch wisse.

Doo seet de Hubert: Lieber Hannes, ich weiß viel, aber nicht alles. Aber in diesem Fall kann ich euch Antwort geben, da ich selbst erstaunt war über den späten Ostertermin, ich habe mich schlau und eine kleine Ausarbeitung gemacht. Das wird jetzt ein wenig länger, aber ... nein, Hannes, ich schick dir eine Mail, darin kannst du alles lesen.

E paar Minutte späder hatt isch die Mail unn dort hott droigestonne:

Zum Osterfest 2019: Meine Suche habe ich in meinem „Meyers Neues Lexikon“ von 1980 begonnen. Dort ist zu lesen, dass das Konzil von Nizäa (Nizäa/Nicäa heißt heute Iznik und liegt in der Türkei) bestimmte, am ersten Sonntag nach dem ersten Vollmond nach Frühlingsbeginn das Auferstehungsfest, also Ostern zu feiern. An anderer Stelle konnte ich lesen, dass dieses Konzil von Konstantin I. einberufen wurde und dass zweihundert Bischöfe daran teilnahmen, die dann auch den 21. März als Frühlingsbeginn festlegten. Der astromische Frühlingsbeginn aber ist die erste Tag- und Nachtgleiche im Jahr, die auch auf den 19. oder 20. März fallen kann; Tag- und Nachtgleiche heißt, die Nacht ist genau so lang wie der Tag,

In diesem Jahr ist/war der astronomische Frühlingsbeginn am 20. März um 22.58 Uhr, am nächsten Tag, am Donnerstag den 21. März um 2:44 war Vollmond und demnach hätte, so dachte ich, am folgenden Sonntag, also am 24. März, Ostern sein müssen. Da aber der 21. März als Frühlingsbeginn festgelegt wurde, bestimmt der erste Vollmond nach diesem Tag den Ostertermin, und da der erste Vollmond nach dem 21. März am Freitag dem 19. April am Himmel ist, wird Ostern am Sonntag dem 21. April gefeiert. Hubert, der als Quelle auch Wikipedia benutzte.

Ich habb dann gleich de Hubert nochemol oogerufe unn habb Donkeschee gesaad unn doo hodder gemoond, dess Donkeschee wär schee vunn mir unn er deet uns onn Ostern oorufe.

Eiern Honnes